

AKTUELNO

U vrijeme emitovanja intervjua sa reisom Zilkićem

Napadi na dvije novopazarske televizije

Napadač sa fantomkom na glavi demolirao studio TV "Jedinstvo" i nasrnuo na urednika Etemovića. Pri pokušaju upada u Regionalnu RTV povrijeđen radnik obezbjeđenja

Tokom emitovanja intervjua sa novoizabranim reisom Islamske zajednice Srbije Ademom ef. Zilkićem, na Regionalnoj televiziji i privatnoj Televiziji Jedinstvo, u Novom Pazaru, 7. oktobra naveče, gotovo istovremeno dogodila su se dva incidenta, u kojima je jedno lice povrijeđeno, a jedan studio praktično demoliran.

Glavni urednik TV Jedinstvo Ramiz Etemović rekao je da je u 21.40 časova u studio te televizije, u kojem se nalazio jedan od deset prisutnih zaposlenih, ušao nepoznati čovjek s "fantomkom" na glavi i letvom nasumice udario po studiju, uništavajući uređaje za emitovanje programa.

"Kada sam ušao u studio, nepoznati napadač izvadio je pištolj i zaprijetio da će nas sve pobiti", rekao je u izjavi za medije Etemović.

"S uperenim pištoljem, napadač je sebi obezbijedio odstupnicu povlačeći se unazad i pobjegavši u mrak" - objasnio je Etemović i dodao da je policija na mjesto događanja stigla veoma brzo.

U napadu na drugu novopazarsku televiziju, Regionalnu Radio-televiziju, isprebijan je i povrijeđen radnik obezbjeđenja Fehim Bandžović, koji je, zbog zadobijenih povreda, odmah prebačen u bolnicu.

Regionalna televizija uputila je pismo predsjedniku Srbije Borisu Tadiću i premijeru Vo-

emitovanje njihovog programa.

"U više navrata naša emisiona oprema je uništavana i otuđivana. Novinarske ekipe maltretirane su i fizički zlostavljane, a nadležni državni organi nisu još rasvijetlili nijedan od tih napada", kaže se u pismu RTV upućenom na najviše adrese u Srbiji.



Sa skupa u Novom Pazaru, 11. oktobra 2007. godine

jislavu Koštunici, u kome ih podsjeća da ovo nije prvi put da se nasiljem pokušava spriječiti

Iako je policija bila na mjestu dešavanja na objema televizijama - Regionalnoj i TV Jedinstvo - načelnik Policijske uprave Novog Pazara Muamer Nicević, inače predavač na Zorkorličevom Internacionalnom univerzitetu, nije iznio nikakve detalje o incidentima.

Napad na dvije novopazarske televizijske kuće osudile su sve novinarske organizacije i udruženja u Republici Srbiji, a u vezi sa incidentima reagovali su i odbori za ljudska prava širom Srbije.

Molotvljev koktel na predajnike

Pored objekta u kojem je smješten predajnik radija Sto plus, na Šultenovačkom brdu kod Novog Pazara, u neposrednoj blizini predajnika Regionalne televizije Novi Pazar, 11. oktobra oko 21 sat bačena je eksplozivna naprava.

U napadu nije bilo povrijeđenih. Na emisionoj opremi tog radija nije bilo štete, a na spoljnoj strani zida vidljivi su tragovi gorenja. Televizijski program je nakratko bio prekinut, a emitovanje je nastavljeno oko 23 časa.

Povodom ovog slučaja novopazarska policija se oglasila šturim saopštenjem, u kojem je potvrdila da je na predajnik bačen Molotvljev koktel.